

ხელშეკრულება 27-01-02/21

ერთი მხრივ, საჯარო სამართლის იურიდიული პირი „საქართველოს ფინანსური მონიტორინგის სამსახური“ (შემდგომში „შემსყიდველი“), წარმოდგენილი სამსახურის უფროსის ვალერიან ხასაშვილის სახით, და მეორე მხრივ, ინდივიდუალური მეწარმე გიორგი კანდელაკი - ვესტა (შემდგომში „მიმწოდებელი“), წარმოდგენილი გიორგი კანდელაკის სახით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს1“ ქვეპუნქტის შესაბამისად, წინამდებარე ხელშეკრულების საფუძველზე ვთანხმდებით შემდეგზე:

მუხლი 1. ხელშეკრულების საგანი

1.1. წინამდებარე ხელშეკრულების საგანს წარმოადგენს შემსყიდველის მიერ მიმწოდებლისგან სხვადასხვა სახის საკანცელარიო ნივთების (შემდგომში „შესყიდვის ობიექტები“) შესყიდვა.

1.2. შესყიდვის ობიექტების აღწერილობა და განფასება:

N	საქონლის დასახელება	CPV კოდი	საქონლის ზომის ერთეული	საქონლის რაოდენობა	საქონლის ერთეული ფასი	საქონლის საერთო ფასი
1	ფაილი A4 0.40 (100ც)	228	შეკვრა	10	4.00	40.00
2	ბაინდერი A4	228	ცალი	20	3.30	66.00
3	ყოველდღიური ბლოკნოტი A5	228	ცალი	4	7.00	28.00
4	სკოჩი პატარა 12*30	249	ცალი	3	0.40	1.20
5	სკოჩი დიდი 45*40	249	ცალი	3	1.20	3.60
6	წებო მშრალი 15 გრ	249	ცალი	2	0.45	0.90
7	კალამი ბურთულიანი 1008BL	301	ცალი	40	0.80	32.00
8	კალამი ბურთულიანი PT-209	301	ცალი	40	0.80	32.00
9	კალამი ბურთულიანი წითელი LT-625	301	ცალი	2	0.30	0.60
10	ტექსტ მარკერი	301	ცალი	15	0.50	7.50
11	კორექტორი კალამი	301	ცალი	3	0.90	2.70
12	საკანცელარიო დანა	301	ცალი	2	5.50	11.00
13	დანის პირი (10 ცალი)	301	ცალი	1	1.50	1.50
14	კედლის კალენდარი 2021	301	ცალი	9	4.00	36.00
15	კლიფსი მეტალის 25 მმ (12ც)	301	შეკვრა	1	1.60	1.60
16	კლიფსი მეტალის 19 მმ (12ც)	301	შეკვრა	1	0.90	0.90
17	კლიფსი მეტალის 15 მმ (60ც)	301	შეკვრა	1	5.00	5.00
18	ანტისტეპლერი	301	ცალი	1	1.50	1.50
19	დაფის მარკერი 4 ფერი	301	შეკვრა	2	4.00	8.00
20	სწრაფჩამკერი პლასტიკური	301	ცალი	10	0.70	7.00
21	ჩასანიშნი ქაღალდი ფერადი 90*90*500	301	ცალი	3	3.00	9.00
22	ჩასანიშნი წებოვანი 76*76მმ 400ფ	301	ცალი	10	2.60	26.00
23	მარკერი პერმანენტული EU10020 Black	301	ცალი	2	0.60	1.20
24	მარკერი პერმანენტული EU10020 Red	301	ცალი	2	0.60	1.20
25	მარკერი პერმანენტული ორმაგი წვერით EU10020	301	ცალი	2	0.80	1.60
26	მარკერი პერმანენტული ორმაგი წვერით EU10020	301	შეკვრა	2	0.80	1.60
27	მაკრატელი	392	ცალი	3	6.60	19.80
28	მონიტორის საწმენდი	398	შეკვრა	15	4.50	67.50

მუხლი 2. ხელშეკრულების შესრულების კონტროლი

- 2.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 2.2. ხელშეკრულების 2.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებს საქართველოს ფინანსური მონიტორინგის სამსახურის ადმინისტრაციული სამმართველოს უფროსი - პირველადი სტრუქტურული ერთეულის ხელმძღვანელი თამარ კალანდაძე.
- 2.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 3. შესყიდვის ობიექტის მიღება-ჩაბარების წესი

- 3.1. მიმწოდებელმა შესყიდვის ობიექტების შემსყიდველისათვის მიწოდება უნდა განახორციელოს მხარეთა მიერ წინამდებარე ხელშეკრულების ხელმოწერიდან 2 სამუშაო დღის განმავლობაში.
- 3.2. შესყიდვის ობიექტები ან მათი ნაწილი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ შედგენილი მიღება-ჩაბარების აქტის გაფორმების შემდეგ. შესყიდვის ობიექტების მიწოდების საბოლოო შემოწმების ადგილია შემსყიდველის ფაქტიური მისამართი.
- 3.3. შემსყიდველის მხრიდან მიღება-ჩაბარების აქტზე ხელმოწერის უფლებამოსილების მქონე პირად განისაზღვროს საქართველოს ფინანსური მონიტორინგის სამსახურის ადმინისტრაციული სამმართველოს უფროსი - პირველადი სტრუქტურული ერთეულის ხელმძღვანელი თამარ კალანდაძე.

მუხლი 4. ხელშეკრულების ფასი და ანგარიშსწორების წესი

- 4.1. წინამდებარე ხელშეკრულებით გათვალისწინებული შესყიდვის ობიექტების საერთო ღირებულება შეადგენს 414.90 (ოთხასოთხმეტი ლარი და 90 თეთრი) ლარს, დღგ-ს ჩათვლით.
- 4.2. 4.1. პუნქტში მითითებული ფასის გადახდა ხორციელდება უნაღდო ანგარიშსწორების წესით.
- 4.3. ანგარიშსწორება ხორციელდება მიმწოდებლის მიერ შესყიდვის ობიექტების მიწოდებიდან, მიღება-ჩაბარების აქტზე ორმხრივი ხელმოწერიდან და ანგარიშ-ფაქტურის წარმოდგენიდან 10 (ათი) სამუშაო დღის განმავლობაში.

მუხლი 5. მხარეთა ვალდებულებები

- 5.1. შემსყიდველი კისრულობს ვალდებულებას წინამდებარე ხელშეკრულების შესაბამისად დროულად და სრულად მოახდინოს მიმწოდებელთან ანგარიშსწორება.
- 5.2. მიმწოდებელი კისრულობს ვალდებულებას:
 - 5.2.1. ხელშეკრულებით განსაზღვრულ ვადაში მიაწოდოს შემსყიდველს წინამდებარე ხელშეკრულების პირველ მუხლში მითითებული შესყიდვის ობიექტები;
 - 5.2.2. შესყიდვის ობიექტების ნაკლის აღმოჩენისას მოახდინოს ნაკლის გამოსწორება თავისი ხარჯით;
 - 5.2.3. უზრუნველყოს ხელშეკრულებით ნაკისრი ვალდებულების დროულად და სრულად შესრულება.

მუხლი 6. გარანტია

- 6.1. მიმწოდებელი კისრულობს ვალდებულებას გადასცეს შემსყიდველს უფლებრივად და ნივთობრივად უნაკლო შესყიდვის ობიექტები. შესყიდვის ობიექტების ხარისხი უნდა შეესაბამებოდეს ამ ტიპის საქონელზე მოქმედ სახელმწიფო და/ან საერთაშორისო სტანდარტებს.
- 6.2. მიმწოდებელი იძლევა იმის გარანტიას, რომ მის მიერ გადაცემული საქონელი იქნება შესაბამისი ტექნიკურ მოთხოვნებთან და შესაფერისი იმ მიზნისათვის, რომლისთვისაც ის არის გათვალისწინებული და იმუშავებს სრულიად გამართულად.
- 6.3. თუ საქონლის მიღებისას გამოჩნდა ნაკლებობა საქარხნო დეფექტი, მიმწოდებელი იღებს ვალდებულებას, შეცვალოს დეფექტური საქონელი ახლით 2 (ორი) სამუშაო დღის განმავლობაში.

მუხლი 7. მხარეთა პასუხისმგებლობა ხელშეკრულების პირობების შეუსრულებლობისათვის

- 7.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის (ან არაჯეროვნად შესრულების) შემთხვევაში, შემსყიდველი უფლებამოსილია დააკისროს მას პირგასამტეხლო შესყიდვის ფასის 0,02%-ის ოდენობით შეუსრულებელი ვალდებულების ყოველი დღისათვის, რომლის გადახდა მოხდება მისთვის ასანაზღაურებელი თანხიდან გამოქვითვის საშუალებით.
- 7.2. შემსყიდველის მიერ ხელშეკრულებით ნაკისრი ვალდებულების შეუსრულებლობის (ან არაჯეროვნად შესრულების) შემთხვევაში, მიმწოდებელი უფლებამოსილია დააკისროს მას პირგასამტეხლო შესყიდვის ფასის 0,02%-ის ოდენობით შეუსრულებელი ვალდებულების ყოველი დღისათვის.
- 7.3. საჯარიმო სანქციების გადახდა არ ათავისუფლებს არც ერთ მხარეს ძირითადი ვალდებულებების შესრულებისაგან.

მუხლი 8. ხელშეკრულების ძალაში შესვლა და მოქმედების ვადები

ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2021 წლის 1 მარტის ჩათვლით.

მუხლი 9. ფორს-მაჟორი

- 9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.
- 9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

მუხლი 10. დავის განხილვის წესი

მხარეები შეეცდებიან ურთიერთმოლაპარაკების საფუძველზე გადაჭრან წინამდებარე ხელშეკრულებასთან დაკავშირებით წამოჭრილი დავები. შეთანხმების მიუღწევლობის შემთხვევაში, დავა განიხილება სასამართლოს მიერ საქართველოს კანონმდებლობის შესაბამისად.

მუხლი 11. დასკვნითი დებულებები

- 11.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.
- 11.2. ხელშეკრულებაში ცვლილებები და დამატებები შეიძლება შეტანილ იქნას ორივე მხარის წერილობითი შეთანხმების საფუძველზე.
- 11.3. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.
- 11.4. ხელშეკრულება შედგენილია ქართულ ენაზე და ხელმოწერილია ელექტრონულად.

მუხლი 12. მხარეთა რეკვიზიტები და ხელმოწერები

შემსყიდველი

სსიპ საქართველოს ფინანსური მონიტორინგის
სამსახური

მის.: ქ. თბილისი, ზ. ფალაშვილის ქ. N83

საიდენტიფიკაციო კოდი: 204447330

საბანკო რეკვიზიტები:

სახელმწიფო ხაზინა

ა/ანგარიში GE24NB0330100200165022

ბანკის კოდი: TRESGE22

სამსახურის უფროსი

ვალერიან ხასაშვილი

მიმწოდებელი

ი/მ გიორგი კანდელაკი - ვესტა

მის: ქ. თბილისი, აღმაშენებლის გამზ. N55/1

საიდენტიფიკაციო კოდი: 01009005243

საბანკო რეკვიზიტები:

სს საქართველოს ბანკი

ა/ანგარიში GE75BG 0000 0008 8800 0801

ბანკის კოდი: BAGAGE22

ინდ. მეწარმე

გიორგი კანდელაკი